

दापयेत वि॒क्षवः॑ आ॒प्रीत॒पाय॑ स्वा॒हेति॑ जु॒हुयाद्वि॒क्षुर्हि॑ स त॒र्हि भ॑ ॥ २० ॥
 अथ य॒द्यभिषू॑यमाणः । कि॒ञ्चिदा॒पयेत॑ य॒माय॑ स्वा॒हेति॑ जु॒हुयाद्य॑मो हि स त॒र्हि
 भ॑ ॥ २१ ॥ अथ यदि स॒म्भ्रय॑माणः । कि॒ञ्चिदा॒पयेत॑ वि॒क्षवे॑ स्वा॒हेति॑ जु॒हुयाद्वि॒क्षु-
 र्हि स त॒र्हि भ॑ ॥ २२ ॥ अथ यदि पू॒यमानः॑ कि॒ञ्चिदा॒पयेत॑ वा॒यवे॑ स्वा॒हेति॑ जु॒-
 हुयाद्वा॒युर्हि स त॒र्हि भ॑ ॥ २३ ॥ अथ यदि पू॒तः । कि॒ञ्चिदा॒पयेत॑ शु॒क्राय॑ स्वा॒हेति॑ जु॒-
 हुयादु॒क्रो हि स त॒र्हि भ॑ ॥ २४ ॥ अथ यदि क्षी॒रश्रीः॑ । कि॒ञ्चिदा॒पयेत॑ शु॒क्राय॑
 स्वा॒हेति॑ जु॒हुयादु॒क्रो हि स त॒र्हि भ॑ ॥ २५ ॥ अथ यदि स॒क्तुश्रीः॑ । कि॒ञ्चिदा॒पयेत॑
 म॒न्थिने॑ स्वा॒हेति॑ जु॒हुयान्म॒न्थी हि स त॒र्हि भ॑ ॥ २६ ॥ अथ यदि च॒मसे॑पू॒नीतः ।
 कि॒ञ्चिदा॒पयेत॑ वि॒श्वेभ्यो॑ दे॒वेभ्यः॑ स्वा॒हेति॑ जु॒हुयाद्वि॒श्वे हि स त॒र्हि दे॒वा भ॑ ॥ २७ ॥
 अथ यदि हो॒मायो॒द्यतः॑ । कि॒ञ्चिदा॒पयेता॑सवे स्वा॒हेति॑ जु॒हुयाद॒सुर्हि स त॒र्हि भ॑
 ॥ २८ ॥ अथ यदि हू॒यमानः॑ । कि॒ञ्चिदा॒पयेत॑ रु॒द्राय॑ स्वा॒हेति॑ जु॒हुयादु॒द्रो हि स
 त॒र्हि भ॑ ॥ २९ ॥ अथ य॒द्यभ्या॑वृ॒त्तः । कि॒ञ्चिदा॒पयेत॑ वा॒ताय॑ स्वा॒हेति॑ जु॒हुयाद्वा॒तो
 हि स त॒र्हि भ॑ ॥ ३० ॥ अथ यदि प्र॒ति॒व्यातः॑ । कि॒ञ्चिदा॒पयेत॑ नृ॒चक्ष॑से स्वा॒हेति॑
 जु॒हुयानृ॒चक्षा॑ हि स त॒र्हि भ॑ ॥ ३१ ॥ अथ यदि भ॒क्ष्यमा॑णः । कि॒ञ्चिदा॒पयेत॑ भ॒क्षाय॑
 स्वा॒हेति॑ जु॒हुयाद॒क्षो हि स त॒र्हि भ॑ ॥ ३२ ॥ अथ यदि ना॒राश॑सेषु स॒न्नः । कि॒-
 चिदा॒पयेत॑ पि॒तृभ्यो॑ ना॒राश॑सेभ्यः स्वा॒हेति॑ जु॒हुयात्पि॒त॒रो हि स त॒र्हि ना॒रा-
 श॑सा भ॑ ॥ ३३ ॥ अथ य॒द्यव॑भृ॒थायो॒द्यतः॑ । कि॒ञ्चिदा॒पयेत॑ सि॒न्धवे॑ स्वा॒हेति॑ जु॒हु-
 यात्सि॒न्धुर्हि स त॒र्हि भ॑ ॥ ३४ ॥ अथ य॒द्यभ्य॑व॒ह्रिय॑माणः । कि॒ञ्चिदा॒पयेत॑ स॒मुद्राय॑
 स्वा॒हेति॑ जु॒हुयात्स॒मुद्रो हि स त॒र्हि भ॑ ॥ ३५ ॥ ॥ शतम् ६२०० ॥ ॥ अथ यदि प्र॒-
 पु॒तः । कि॒ञ्चिदा॒पयेत॑ स॒लिला॑य स्वा॒हेति॑ जु॒हुयात्स॒लिलो हि स त॒र्हि भ॑वत्य॒प
 पा॒प्मान॑ कृ॒तः उ॒पैतं॑ य॒ज्ञो न॑मति ॥ ३६ ॥ ता वा॒ऽए॒ताः । च॒तुस्त्रिं॑श॒तमा॒ज्याहु॑-
 तीर्जु॒होति॑ त्र॒यस्त्रिं॑श॒द्वै दे॒वाः प्र॒जाप॑तिश्चतुस्त्रिंश॒ एत॒डु स॒र्वे दे॒वैर्य॑ज्ञं भिष॒ज्यति॑